

# Auala e maua atu ai le fesoasoani ma nofo ai i fale mautotogi

## Fesoasoani mo tagata mautotogi

Talanoa mai pe afai o e moomia se fesoasoani mo lou fale mautotogi. Matou te ofoina atu fesoasoani tau tupe mo tagata ia maua pe nofo ai i fale mautotogi tumaoti. E aofia ai tamaiti aoga ma tagata ua sili atu 65 tausaga le matutua.

E le moomia lou maua o se penefiti e maua ai se fesoasoani. E te ono agavaa pe afai e maualalo lau tupe maua.

E faalagolago le fesoasoani e te maua i tulaga e patino ia te oe, tupe maua ma aseta.

## Fesoasoani faifai pea mo le fale mautotogi

Afai e te moomia se fesoasoani e totogi ai lou fale mautotogi po o lau board, atonu e mafai ona e maua le penefiti e ta'ua o le Accommodation Supplement. E le o mafai e tagata o nonofo i fale a le malo ona maua le fesoasoani lea.

Afai e te moomia se vaega tupe e totogi ai le fale po o le tausiga masani, e mafai ona e maua le Temporary Additional Support. E tau i le 13 vaiaso le umi e totogi atu ai.

## Totogi tupe o le fale ua tuai na totogi

Fai loa se tonu, pe afai ua tuai ona totogi le fale mautotogi. Talanoa i le pule o le fale i se faiga e totogi ai tupe ua tuai na totogi. E ono mafai ona matou fesoasoani atu ia aua ne'i faamuta lou nofo ai i le fale, pe afai e faigata na totogi.

E ono mafai ona e maua se Rent Arrears Grant. Ae e tatau ona e toe totogia le tupe lea.

## Tupe faamau ma tupe mautotogi na muai totogi

A e maua se fale, e ono iai tulaga e mafai ai ona matou fesoasoani e totogi lau tupe faamau ma le tupe mautotogi a o lei nofoia le fale.

Talanoa mai tatou te fuafua ai se fesoasoani e mafai ona e maua. E ono mafai ona e maua se Tupe Faamau po o le Rent in Advance Grant. Ae e tatau ona e toe totogia le tupe lea.



## Siitia i se isi fale

E iai le Moving Costs Grant e totogi ai se taavale toso po o se loli. E mafai na totogi ai kamupani e fesiitaia au meafale, pe afai e le mafai na e fesiitaia, mo se faataitaiga, ona o le matua o lou soifua, ma'i, po o se manaoga faapitoa.

Ae e tatau ona e toe totogia le tupe lea.

## Fesoasoani ia maua se fale mautotogi

E mafai ona matou faia se tusi Tenancy Costs Cover e ave i le pule o le fale, pe afai o tau saili se fale e te nofo ai ona e faigata na maua se fale e fetau ma oe.

## Faiga e talosaga ai

### E mafai na e auai tino e fai sau talosaga po o le telefoni

A o lei amata fai sau talosaga, e tatau na maua faamaumauga, e pei o:

- faamaoniga o lou tagata moni
- faamatalaga auiliili o tupe maua ma aseta
- faamaoniga o tupe faaalua (e pei o le tau e fesiitai ai meafale po o tupe o le fale ua tuai na totogi)
- lau maliega mautotogi.

### Auai tino e fai se talosaga

E mafai ona fai i se lālā a le Work and Income. E sili ai le faatonu muamua o se avanoa. E mafai ona iloa tonu nofoaga e te asiasi i ai i le [workandincome.govt.nz/findus](https://www.workandincome.govt.nz/findus)

### Talosaga i luga o le telefoni

A fai se talosaga i luga o le telefoni, faafesootai mai i le 7am i le 6pm Aso Gafua i le Aso Faraile ma le 8am i le 1pm o Aso Toonai. Valaau mai i le:

- **0800 559 009** Working age
- **0800 552 002** Seniors
- **0800 88 99 00** Students

O tupulaga o maua le Youth Payment po o le Young Parent Payment faamolemole faafesootai sa'o lau Youth Coach.

Afai e te logonoa, faaletonu le faalogo po o le faigata na talanoa i luga o le telefoni, e mafai ona e:

- text: **029 286 7170**
- imeli: **MSD\_Deaf\_Services@msd.govt.nz**
- faaoga le NZ Relay Services: **NZRelay.co.nz**

## Mo nisi faamatalaga

Tagai i le [workandincome.govt.nz/housing](https://www.workandincome.govt.nz/housing)

E mafai ona siaki po o le ā se fesoasoani e mafai ona e maua i le [check.msd.govt.nz](https://www.check.msd.govt.nz)

